

ÚRSKURÐUR HANDHAFA VALDS FORSETA ÍSLANDS

um sendiráð, fastanefndir hjá alþjóðastofnunum og sendiráðisskrifstofur.

HANDHAFAR VALDS FORSETA ÍSLANDS

samkvæmt 8. gr. stjórnarskrárinnar

forsætisráðherra, forseti Alþingis og forseti Hæstaréttar,

gjöra kunnugt:

Samkvæmt tillögu utanríkisráðherra og með vísan til 4. gr. laga nr. 39/1971 um utanríkisþjónustu Íslands eru hér með sett eftirfarandi ákvæði:

1. a. Sendiráð skulu vera í Bonn, Brussel, Helsinki, Kaupmannahöfn, London, Moskvu, Osló, París, Peking, Stokkhólmi og Washington. Fastanefndin í New York skal jafnframt gegna hlutverki sendiráðs gagnvart nánar tilteknum ríkjum.
- b. Fastanefndir skulu vera í Brussel, Genf, New York og Strassborg. Sendiráðið í París skal jafnframt gegna hlutverki fastanefndar hjá nánar tilteknum alþjóðastofnunum.
- c. Aðalráðisskrifstofa skal vera í New York.
2. Umdæmi sendiráða skulu vera sem hér segir:
 - a. *Bonn*. Auk Þýskalands skal umdæmi sendiráðsins vera Austurríki, Serbía-Svartfjallaland (fyrrum Sambandslýðveldi Júgóslavíu), Sviss og Ungverjaland.
 - b. *Brussel*. Auk Belgíu skal umdæmi sendiráðsins vera Liechtenstein og Lúxemborg. Forstöðumaður sendiráðsins skal vera sendiherra Íslands hjá Evrópusambandinu (EU).
 - c. *Helsinki*. Auk Finnlands skal umdæmi sendiráðsins vera Eistland, Lettland og Úkraína.
 - d. *Kaupmannahöfn*. Auk Danmerkur skal umdæmi sendiráðsins vera Bosnía-Hersegóvína, Litháen og Tyrkland.
 - e. *London*. Auk Bretlands skal umdæmi sendiráðsins vera Grikkland, Holland, Indland, Írland, Maldíveyjar og Nepal.
 - f. *Moskva*. Auk Rússlands skal umdæmi sendiráðsins vera Armenía, Aserbaídsjan, Búlgaría, Georgía, Moldóva, Rúmenía, Túrkménistan og Úsbekistan.
 - g. *Osló*. Auk Noregs skal umdæmi sendiráðsins vera Króatía, Makedónía (fyrrum Sambandslýðveldi Júgóslavíu), Pólland, Slóvakía og Tékkland.
 - h. *París*. Auk Frakklands skal umdæmi sendiráðsins vera Andorra, Ítalía, Portúgal, San Marínó og Spánn. Sendiráðið skal gegna hlutverki fastanefndar gagnvart Efna-hagssamvinnu- og þróunarstofnuninni (OECD), Menningarmálastofnun Sameinuðu þjóðanna (UNESCO) og Matvæla- og landbúnaðarstofnun Sameinuðu þjóðanna (FAO) í Róm á Ítalíu.
 - i. *Peking*. Auk Kína skal umdæmi sendiráðsins vera Ástralía, Indónesía, Japan, Mongólía, Norður-Kórea (Alþýðulýðveldið Kórea), Nýja-Sjáland, Suður-Kórea (Lýðveldið Kórea), Taíland og Víetnam.
 - j. *Stokkhólmur*. Auk Svíþjóðar skal umdæmi sendiráðsins vera Albanía, Bangladess, Kýpur, Pakistan og Slóvenía.
 - k. *Washington*. Auk Bandaríkjanna skal umdæmi sendiráðsins vera Argentína, Brasilía, Chile, Gvatemala, Kanada, Kostaríka, Kólumbía, Marshallseyjar, Mexíkó, Níkaragva, Perú, Úrúgvæ og Venesúela.

3. Fyrirsvar fastanefnda skal vera sem hér segir:
 - a. *Brussel*. Auk Atlantshafsbandalagsins (NATO) og stofnana tengdra því skal fastanefndin fara með fyrirsvar gagnvart Vestur-Evrópusambandinu (WEU) og Stofnuninni um bann við efnavopnum (OPCW) í Haag í Hollandi.
 - b. *Genf*. Auk Fríverslunarsamtaka Evrópu (EFTA) skal fastanefndin fara með fyrirsvar gagnvart Alþjóðaviðskiptastofnuninni (WTO), Skrifstofu Sameinuðu þjóðanna í Genf og öðrum alþjóðastofnunum sem hafa aðsetur í Genf og Ísland er aðili að.
 - c. *New York*. Auk þess að fara með fyrirsvar gagnvart Sameinuðu þjóðunum í New York skal fastanefndin gegna hlutverki sendiráðs. Umdæmi þess skal vera eftirtalin ríki Karíbahafs: Bahamaeyjar, Barbadoseyjar, Grenada og Kúba.
 - d. *Strassborg*. Fastanefndin skal fara með fyrirsvar gagnvart Evrópuráðinu.
4. Umdæmi aðalræðisskrifstofunnar í New York skal vera fylkin New York, Connecticut, New Jersey og Rhode Island.
5. Utanríkisráðherra ákveður hvar fyrirsvar gagnvart eftirtöldum alþjóðaskrifstofnunum í Vín skal vera hverju sinni: Alþjóðakjarnorkumálastofnuninni (IAEA), Skrifstofu Sameinuðu þjóðanna í Vín og Öryggis- og samvinnustofnun Evrópu (OSCE).
6. Sendiherra gagnvart Páfagarði skal hafa búsetu í Reykjavík.
7. Sendiherra gagnvart eftirtöldum ríkjum í Miðausturlöndum og Norður-Afríku skal hafa búsetu í Reykjavík: Alsír, Barein, Egyptalandi, Írak, Íran, Ísrael, Jórdaníu, Kúveit, Líbanon, Marokkó, Óman, Sádi-Arabíu og Túnis.
8. Sendiherra gagnvart eftirtöldum ríkjum í Afríku skal hafa búsetu í Reykjavík: Angóla, Botsvana, Eþíópíu, Gana, Grænhöfðaeyjum, Kenía, Lesótó, Mósambík, Namibíu, Níger, Nígeríu, Seychelleseyjum, Sómalíu, Suður-Afríku, Svasílandi, Tansaníu og Úganda.

Úrskurður þessi öðlast þegar gildi. Jafnframt fellur úr gildi forsetaúrskurður nr. 11 frá 28. mars 1996.

Gjört í Reykjavík, 7. apríl 1998.

Davíð Oddsson.

Ólafur G. Einarsson.
(L. S.)

Pétur Kr. Hafstein.

Halldór Ásgrímsson.

21. apríl 1998

Nr. 34

LÖG

um starfsemi kauphalla og skipulegra tilboðsmarkaða.

FORSETI ÍSLANDS

gjörir kunnugt: Alþingi hefur fallist á lög þessi og ég staðfest þau með samþykki mínu:

I. KAFLI

Almenn ákvæði.

1. gr.

Lög þessi gilda um starfsemi kauphalla og skipulegra tilboðsmarkaða sem starfa hér á landi.

Starfsemi, sem kveðið er á um í lögum þessum, er einungis heimil kauphöll og skipulegum tilboðsmarkaði sem hlotið hefur starfsleyfi samkvæmt lögum þessum.